

Munnu a ruversa

U lupu divintau picuraru,
a vurpi vardiana di jaddini;
u surci sapi fari u zammataru,
a jatta vinnitura di saimi.

Lu pisci si curcò fora di l'acqua,
e lu liuni a pecora vasò;
lu latru arrestò o carrabbineri,
e lu parrinu manzu addivintò.

La furca ora è fatta ppi lu riccu,
e l'orbi cu la testa rintra o saccu;
li Turchi ora prejanu u rusariu,
e li cristiani fannu Hallà, Hallà!

E li ruetta jittaru tutti i spini,
i cosi aruci addivintaru amari;
lu vo' sapiri quannu ni spusamu?
quannu lu porcu vinni li lupini.